



Uunga siunnersuut: Inuussutissarsiutinik ilinniartitsinerit aamma Inuussutissarsiutinut ilinniartitsinerup iluani pikkorissaanerit pillugit Inatsisartut Inatsisaannik allannguinnissaq.

(Kultureqarnermut, Timersornermut Ilageeqarnermullu Naalakkersuisoq)

(Siullermeerneqarnera)

Demokraatit inuiaqatigiinni tamani ilinniartitaanerup qaffassartuarnissaanut politikikkut ingerlatsinermut peqataanissanik kissaatigaa. Uuminnga siunnersuuteqarnikkut qulakkeeqataasinnaavugut, ullumernit amerlanerit inuussutissarsiutinik ilinniagaqalernerannut.

Ajoraluartumilli paasinarsivoq, inuussutissarsiutinik ilinniarnernut tunngaviusunut ilinnialerniaraanni praktikkerfissaqareertariaqarneranik maannakkut piumasaqqat inuusuttut ilaannut ajoqusiisimasoq, praktikkissaqannginneq peqqutigalugu ilinniarnerminnik aallartitsisinnaasarsimangimmata. Tamanna tunngavigalugu Demokraatit isumaqarput, silutsaarnerusoq inatsit ima allanngortikkaanni, inuussutissarsiutinut tunngaviusumik ilinniagaqalernerneq aallartinneqassasoq praktikkerfissamik isumaqatigiissusioqqaarani.

Tassunga atasumik maani nunatsinni suliffeqarfiit tamaasa jahynussaarumavagut suliffeqarfimmik aqqissuussaana misissoqqullugu paasinarlugu amerlanerulaanik praktikkertussanik/ilinniartussanik inissaqartitsinerlutik. Taamaatut oqareerlunga, erseqqissaatigissavara, uagut Demokraatinit soorunami ataqqigatsigu, paasinarsissappat, suliffeqarfik nammassinnaasaminiinnaq praktikkerortoq/ilinniartoqartoq.

Demokraatit aamma paasivaat, siunnersuummut attuumassuteqartuniit tusarniaanermut akissutininik pitsaasunik amerlasuunik tiguisoqarsimasoq, taakku ersarissumik tikkuussimmata, tapersersuisorpasuaqartoq pisarialimmik inuussutissarsiutinut ilinniartitaanerit qaffassarnissaannik siunertaqartunut.

Demokraatit siunnersuut taperserpaat Kultureqarnermut, Ilinniartitaaneremut, Ilisimatusarneremut Ilageeqarnermullu ataatsimiititaliami suliareqqitassanngorlugu.